

ПУДРАТ ШАРТНОМАСИ №46529

30«9»2022 yil.

947-3-44-ХТ/2022-son

Бахмал тумани халқ таълими бўлими Келгуси ўринларда «Буюртмачи» деб юритиладиган номидан Низом асосида иш кўрувчи мудир К.Гулбоев бир томондан ва кейинги ўринларда «Пудратчи» деб юритиладиган "RAVSHAN 001" МЧЖ номидан Низом асосида иш кўрувчи корхона рахбари Ж.Убайдуллаев иккинчи томондан, Бахмал тумани халқ таълими бўлимига қарашли 44-умумтаълим мактаб биносини жорий таъмирлаш ишлари учун ушбу пудрат шартномаси (контракт)ни туздилар.

1. Шартнома мавзуси.

1. Пудратчи мазкур шартнома шартларига асосан Бахмал тумани халқ таълими бўлимига қарашли 44-умумтаълим мактаб биносини жорий таъмирлаш ишлари объекти лойихасида кузда тутилган ишларни бажариш мажбуриятини олади. Буюртмачи эса Пудратчига жорий таъмирлаш ишларини бажариш учун зарур шароитлар яратиш, уларни қабул қилиш ва тўловни амалга ошириш мажбуриятини олади.

2. Шартнома буйича ишлар киймати.

2.1. Мазкур шартнома буйича Пудратчи томонидан бажариладиган ишлар киймати барча солиқлар, йигимлар ва ажратмаларни уз ичига олган ҳолда жорий нарх **650 000 000 (олти юз эллик миллион)** сўмни ташкил этади.

2.2. Шартноманинг 2.1- бандида кўрсатилган баҳо дастлабки бўлиб, сўнгги баҳо Пудратчи тақдим этган лойиҳа-смета ҳужжатларига мувофиқ белгиланади. Шартнома баҳоси инфляция натижасида тарафларнинг келишувига мувофиқ ўзгартирилиши мумкин. Шартнома баҳосининг ошиши билан боғлиқ харажатлар Буюртмачи томонидан ушбу шартноманинг 3- бандида белгиланган тартибда қопланади.

3. Мажбуриятларнинг бажарилиши муддати

3.1. Буюртмачи мазкур пудрат шартномаси имзоланган кундан бошлаб 10 (ун) банк куни давомида пудратчига шартнома қийматининг 30 % миқдорида аванс тўловларини амалга оширади. Ишларни қабул қилишда аниқланган нуқсон ва камчиликларни бартараф этиш ишлари тўлиқ ҳажмда бажарилгандан сўнг 3 (уч) банк кун муддатдан кечиктирмасдан пудратчига бажарган ишлар учун охириги 70 % ҳисоб-китобни амалга оширади.

3.2. Кўрсатилган ишларни бажариш учун буюртмачи 2022 й. « 30 » сентябрь қадар пудратчига зарурий лойиҳа-смета ҳужжатлари, техник шартлар тақдим этиш мажбуриятини олади.

3.3. Пудратчи ишларни ўзининг материалларидан, унинг асбоб-ускунасида ва ўзининг инструментлари билан бажаради.

3.4. Ишларни бажариш муддати:

2022 йил « 30 » сентябрьдан 2022 йил « 30 » октябргача.

Пудратчи ишларни олдин бажариш ҳуқуқига эга

3.5. Ишлар буюртмачи ёки унинг ваколатли вакили томонидан ишларни қабул қилиш-топшириш далолатномаси имзолангандан кейин бажарилган деб ҳисобланади.

3.6. Мазкур шартнома ғазначиликда рўйхатга олинган пайтдан бошлаб кучга киради ва «31» декабрь 2022 йилгача амал қилади.

4. Тарафларнинг ҳуқуқ ва мажбуриятлари

4.1. Пудратчининг мажбуриятлари:

ўз кучи ва маблағлари ҳисобидан ишларнинг календар режасида белгиланган ҳажмда ва муддатларда барча ишларни бажариш ва Буюртмачига лойиҳа ҳужжатларига мос келадиган ҳолатда ишларни топшириш;

лойиҳага мувофиқ зарурий материалларни, қурилмалар, бутловчи ашёларни қурилиш майдончасига етказиб келиш ва уларни қабул қилишни, тушириб олишни, омборга жойлашни ҳамда қурилиш давомида уларни сақлашни амалга ошириш;

ўз кучи ва воситалари билан материаллар, қурилмалар, ашёларни жойлаштириш ва ушбу шартнома бўйича ишларни бажариш учун зарур бўлган барча муваққат биноларни қуриш;

ушбу шартнома бўйича ишларни бажариш учун жалб қилинаётган ихтисослаштирилган ташкилотлар билан ёрдамчи пудрат шартномалари тузилганлиги ҳақида Буюртмачини хабардор қилиш ва ёрдамчи пудратчилар томонидан ишларнинг бажарилишини назорат қилиш;

қурилиш майдончасида техника ва ёнғин хавфсизлиги ҳамда қурилиш майдончасининг қўриқланиши бўйича зарурий тадбирларнинг бажарилишини таъминлаш;

қурилиш объектларининг суғурта қилинишини таъминлаш;

қурилиши тугалланган объектларни қабул қилиш далолатномаси имзолангандан кейин 10 кунлик муддатда қурилиш майдончасидан ўзига тегишли мол-мулкни олиб кетиш.

4.2. Буюртмачининг мажбуриятлари:

ишларнинг календар режасида белгиланган ҳажмда ва муддатда Пудратчига қурилиш майдончасини топшириш;

шартномада белгиланган миқдорда ва муддатда шартноманинг 1.1-бандида назарда тутилган ишларни бажарганлик учун Пудратчига ҳақ тўлаш;

Пудратчининг ёзма хабарномасини олган санадан бошлаб 2 ҳафта ичида объектни қабул қилиб олиш.

5. Тарафларнинг жавобгарлиги

5.1. Пудратчи мазкур шартноманинг 1.4.-бандида кўрсатилган ишларни бажариш муддатини бузганлиги учун буюртмачига шартнома сўммасидан 5 % миқдорида жарима ва ҳар бир кечиктирилган кун учун мажбурият бажарилмаган қисмининг 0,5 фоизи миқдорида пеня тўлайди, бироқ бунда пенянинг умумий суммаси бажарилмаган ишларнинг баҳосининг 50 фоиздан ошиб кетмаслиги лозим. Пеняни тўлаш шартнома мажбуриятларини бузган тарафни етказилган зарарни қоплашдан озод этилмайди.

5.2. Бажарилган ишлар ҳақини ўз вақтида тўламаганлик учун буюртмачи пудратчига ўтказиб юборилган ҳар бир кун учун кечиктирилган тўлов сўммасининг 0,4 фоизи миқдорида, аммо кечиктирилган тўлов сўммасининг 50 фоизидан ортиқ бўлмаган миқдорида пеня тўлайди.

5.3. Мазкур шартномада кўзда тутилмаган тарафларнинг жавобгарлик чоралари Ўзбекистон Республикаси ҳудудида амал қилувчи фуқаролик қонунчилиги меъёрларига мувофиқ қўлланади.

5.4. Неустойка тўлаш тарафларнинг улар олдида турган мажбуриятларини бажаришдан ёки шартларнинг бузишини бартараф этишдан озод этмайди.

6. Форс-мажор ҳолатлари

6.1. Тарафлар ихтиёрига боғлиқ бўлмаган, уларни олдиндан билиш ёки олдини олиш имконияти бўлмаган ҳолатлар (енгиб бўлмас куч) оқибатида мажбуриятларни бажармаганлик ёки лозим даражада бажармаганлик учун тарафлардан бирортаси иккинчи тараф олдида жавобгар эмасдир. Бундай ҳолатлар жумласига эпидемиялар, табиий офатлар, ҳарбий ҳаракатлар киради.

6.2. Тегишли савдо палатаси ёки бошқа ваколатли орган томонидан берилган гувоҳнома енгиб бўлмас кучнинг мавжудлиги ва амал қилишининг давомийлигини тасдиқлаш учун етарли ҳужжатдир.

6.3. Ўз мажбуриятларини бажара олмаётган тараф енгиб бўлмас кучнинг мавжудлиги ва унинг шартнома бўйича мажбуриятларни бажаришга таъсири ҳақида иккинчи тарафга хабарнома бериши лозим.

7. Низоларни ҳал этиш тартиби

7.1. Ушбу шартнома бўйича ёки у билан боғлиқ ҳолда тарафлар ўртасида келиб чиқадиган барча низолар ва зиддиятлар тарафлар ўртасида музокаралар олиб бориш йўли билан ҳал этилади.

7.2. Музокаралар олиб бориш йўли билан низоларни ҳал қилишга эришилмаган тақдирда, мазкур шартноманинг тузилиши, унинг шартларининг ўзгариши, бузилиши, ижро этилиши, бекор бўлиши,

тугатилиши ва ҳақиқийлиги юзасидан келиб чиқувчи барча низолар, келишмовчиликлар ва талаблар Ўзбекистон Республикаси Савдо- саноат палатаси ҳузуридаги Ҳакамлик судида унинг Регламентига асосан ҳакамлик судьяси томонидан якка тартибда кўриб чиқилади. Ҳакамлик судининг ҳал қилув қарори тарафлар учун қатъий ва мажбурий ҳисобланади.

8. Шартномага ўзгартириш ва қўшимчалар киритиш тартиби

8.1. Ушбу шартномага ҳар қандай киритилган қўшимча ва ўзгартишлар ёзма равишда расмийлаштирилиб, ҳар иккала тараф имзолаган ҳоллардагина ҳақиқий кучга эга бўлади.

8.2. Шартномани муддатидан олдин бекор қилиш тарафларнинг келишуви бўйича ёхуд Ўзбекистон Республикасининг амалдаги Фуқаролик кодекси ва қонун ҳужжатларида назарда тутилган асослар бўйича, етказилган зарарларни қоплаш билан амалга оширилиши мумкин.

8.3. Буюртмачи қуйидаги ҳолларда шартномани бекор қилишга ҳақли:

- пудратчининг айби билан ишларнинг боришини сусткашлик билан тўхтатиб турилиши, яъни ушбу шартномадаги ишларнинг тамом бўлиш муддати бир ойдан кўпга ошиб кетганда;
- пудратчининг шартнома шартларини бузиши натижасида лойиҳада кўрсатилган ишларнинг сифати пасайганда.

8.4. Пудратчи қуйидаги ҳолларда шартномани бекор қилишга ҳақли:

- буюртмачи томонидан пудратчига боғлиқ бўлмаган сабаблар бўйича қурилиш-монтаж ишларининг боришини бир ойдан ошадиган муддатга тўхтатиб турганда;
- буюртмачи томонидан кейинчалик ишларни молиялаш имконияти йўқолганда.

8.5. Буюртмачи ва пудратчининг биргаликдаги қарори бўйича шартнома бекор қилинганда, буюртмачига тугатилмаган қурилиш топширилади, буюртмачи эса пудратчига улар томонидан аниқланган бажарилган ишларнинг ҳажми қийматини тўлайди.

8.6. Шартномани бекор қилишга қарор қилган тараф бошқа тарафга ёзма хабарнома юборади.

9. Коррупцияга қарши шартлашув

9.1. Томонлар:

- Томонлар, уларнинг аффиланган (ўзаро боғланган) шахслари ва ходимлари, ушбу Шартнома бўйича ўз мажбуриятларини бажаришлари давомида коррупцияга қарши курашиш соҳасидаги Ўзбекистон Республикасининг амалдаги қонун ҳужжатлари талабларининг бузилишига олиб келадиган ва/ёки коррупция характерида эга бўлган, шу жумладан (аммо бу билан чекланмай) пора бериш ёки беришни ваъда қилиш, таъмагирлик, пора олишга бевосита ёки билвосита рози бўлиш хатти-ҳаракатлари ҳаракатсизликларини содир этмайдилар.

- Томонлар, уларнинг аффиланган (ўзаро боғланган) шахслари ва ходимлари бошқа томоннинг ходимлари ёки ваколатланган вакилларини

қандайдир тарзда рағбатлантиришдан, шу жумладан пул суммалари, совғаларни тақдим этиш, уларнинг манзилига хизматларни беғараз кўрсатиш ёки бу ходим ёки ваколатланган вакил томонидан уни рағбатлантирувчи томон фойдасига қандайдир хатти-ҳаракатларни/ҳаракатсизликлар бажарилишини таъминлашга қаратилган ишларни бажаришдан воз кечадилар деб маълум қиладилар.

9.2. Томонда ушбу Шартноманинг 6.1-бандидаги талабларни бузиш содир этилганлиги ёки содир этилиши мумкинлиги тўғрисидаги шубҳалар юзага келган ҳолда, тегишли томон бу ҳақда иккинчи томонни хабардор қилиш, коррупция билан курашиш соҳасидаги Ўзбекистон Республикаси қонун ҳужжатларининг нормалари бузилганлиги фактининг рад этиб бўлмайдиган далиллари мавжуд бўлган ҳолда эса – амалдаги қонун ҳужжатларида белгиланган тартибда ваколатланган органларни ҳам хабардор қилиш мажбуриятини ўз зиммасига олади.

10. Яқуний қоидалар

10.1. Мазкур шартномага киритиладиган ҳар қандай ўзгартириш ва қўшимчалар, улар фақат ёзма шаклда тузилиб, тарафларнинг бунга ваколатли томонидан имзоланганидан сўнг ҳақиқий ҳисобланади.

10.2. Мазкур шартнома икки нусхада тузилди. Иккала нусха айнан бир хил ва тенг кучга эга. Тарафларнинг ҳар бирида мазкур шартноманинг бир нусхаси мавжуд.

11. Томонларнинг банк реквизитлари ва юридик манзиллари:

Буюртмачи

Бахмал тумани Халқ таълими
бўлими

Бахмал тумани Дўстлик МФЙ
ш.х/р: **100022860082047092100075088**

Банк: Тошкент шаҳар Марказий
банк ББ

ИНН 207130019 ОКОНХ 97600
Ўзбекистон Республикаси Молия
вазирлиги Ягона ғазна ҳисоб варағи
х/р 2340 2000 300 100 001 010

МФО 00014

ИНН 201 122 919



К.Гулбоев

Пудратчи

"RAVSHAN 001" МЧЖ

Банк: АТ "Микрокредитбанк"
Галлаорол туман филиали
х/р **20208000705359646001**


ИНН: 308 282 087

МФО 00142

КОД ОКОНХ: 61110



Ж.Убайдуллаев

	Hujjat <u>elektron raqamli imzo</u> orqali imzolangan. Elektron raqamli imzoning haqiqiyligini tekshirish uchun QR Code ni skanerlang.	
	Imzolovchi F.I.SH.	KAMOLJON GULBOYEV ABDUVALIYEVICH
	Imzolangan sana	30 сех 2022 14:37
	Hujjat kodi	ZF4380642261
	Hulosa kodi	TV3454148538

**YURIDIK AHAMIYATGA EGA HUJJATLARNING QONUN
HUJJATLARIGA MUVOFIQLIGI TO‘G‘RISIDA HUQUQIY
IJOBIY XULOSA**

№ ZF4380642261

- 1. Loyihaning turi** Shartnoma
- 2. Loyihaning nomi** Pudrat shartnomasi
- 3. Loyihasining mazmuni**

Baxmal tumani xalq ta’limi bo’limi Kelgusi o’rinlarda «Buyurtmachi» deb yuritiladigan nomidan Nizom asosida ish ko’ruvchi mudiri K.Gulboyev bir tomondan va keyingi o’rinlarda «Pudratchi» deb yuritiladigan "RAVSHAN 001" MChJ nomidan Nizom asosida ish ko’ruvchi korxonasi raxbari J.Ubaydullayev ikkinchi tomondan, Baxmal tumani xalq ta’limi bo’limiga qarashli 44-umumta’lim maktab binosini joriy ta’mirlash ishlari uchun ushbu pudrat shartnomasi (kontrakt)
- 4. Loyiha ishlab chiquvchisi va kiritilgan sana haqidagi ma’lumot**


Hujjat loyihasi Baxmal tumani xalq ta’limi bo’limi tomonidan 2022 yil 28-sentabr kuni dasturga kiritilgan.
Loyiha amaldagi qonun hujjatlariga muvofiq ishlab chiqilgan va uni tuzish maqsadga muvofiq.

Markaz bosh yuristkonsulti



A. Ergashev

2022 yil «30» sentabr



Бахмал туман халқ таълими бўлимига қарашли 44-умумтаълим биносини жорий таъмирлаш ишлари учун танлов ўтказиш комиссиясининг

МАЖЛИС БАЁННОМАСИ № 8

« 30 » сентябрь 2022 йил

Ўснат ш.

Йигилишда катнашдилар :

- | | | |
|----------------------------|---|---|
| К.Гулбоев | - | Бахмал ХТБ мудир |
| Комиссия аъзолари : | | |
| Б.Қудратов | - | Бош ҳисобчи |
| А.Қулиев | - | Бош ҳисобчи ўринбосари |
| М.Босимов | - | Бош муҳандис |
| Ж.Сабзалиев | - | Маҳсул таъмирлаш хизмати бош мутахассис |

Кун тартиби:

Товар иш хизматлари хариди тўғрисида 2022 - йил 20 - сентябрь 8-сонли
ЭЪЛОН (БУЮРТМАНОМА) Лот№ 22110012153003

Молиялаштириш манбаи		Бюджет маблағи		Бюджетдан ташқари маблағи	Давлат мақсадли ва бюджетдан ташқари жамғармалар маблағи	
№	Товар (иш, хизмат) нинг номи					
1	Бахмал туман халқ таълими бўлимига қарашли 44-умумтаълим биносини жорий таъмирлаш ишлари	650 000 000				
	Жами					

Бахмал туман халқ таълими бўлимига қарашли 44-умумтаълим биносини жорий таъмирлаш ишлари буйича 2 кун мобайнида комиссия аъзоларига ва Бахмал туман халқ таълими бўлимига ҳеч қандай шикоят ва эътирозлар келиб тушмади. "RAVSHAN 001" МЧЖ томонидан Бахмал туман халқ таълими бўлимига қарашли 44-умумтаълим биносини жорий таъмирлаш ишлари буйича тақдим этилган таклифни энг маъқул ва мақсадга мувофиқ деб қурилган ва талабгор танлов ғолиби деп топилган.

Йигилиш раиси:

 К.Гулбоев

Йигилиш аъзолари:

 Б.Қудратов

 А.Қулиев

 М.Босимов

 Ж.Сабзалиев